

տեղ . զի զինչ զիրք կամիս՝ գտանես ի սուրբ 245
Երուսաղէմ : Զայս ամենայն աչօք իմովք տեսի :

Եւ յայսմ ամի² փախաւ Հոռմի պատ-
րհարգն վասն պարտուց . զի ասեն թէ ԽՈՒ Ղու-
ռուչ պարտք ունի : Ապա զճհութիւն ու փառք
Աստուծոյ , որ մեք այսպէս շէն եւ հաստատ 250
տեսաք զմեր եկեղեցիքն . զի ժամանակ մի եւ
Հայք այսպէս էին , որպէս յառաջ ասացաք :

Եւ զկնի Պատրիարզին երկրպագեալ ամե-
նեքեանքն՝ դարձաք ի սուրբ Յակոբ : Եւ որ-
չափ մարդ կայր՝ զամէնն նա կերակրեաց այն 255
օրն՝ Պարնոտէրն . զի էին աւելի քան զհազար
հոգի . ի վերայ տանեաց նստան եւ սուրբ Յա-
կոբայ էրգիքն . կերաք դառն , հէրիսայ եւ խո-
րու . եւ խմեցաք զանուշ գինին :

ԳՈՎԵՍՍ Ս . ՏԵՂԵԱՅ

Եւ երկուշարթի մեռելոցին սկսաք պատ-
րաստութիւն ճանապարհին տեսնուլ : Եւ յոր-
ժամ յիշէաք զերթալն՝ սիրտք մեր ճմլէին
զմեզ , եւ արտասուք աչաց մերոց թորէր , եւ
այնպէս թէ ի ծնողաց բաժանէաք կամ հարսն 5
փեսէ . զի քան զամենայն քաղցր եւ ախորժ
սուրբ քաղաքն Երուսաղէմ է . զի մոռացեալ
էաք զամենայն նեղութիւնս , գտուն եւ զտեղս
մեր . եւ զժար թուէր բաժանիլ մեր յաստուա-
ծակոխ տեղեացն այն : Եւ այնչափ տնօրինա- 10

247 այսմ , պատրիարգն :

5 ի չի f :

² 1617 :